





西湖志卷之四十一

藝文十一

竹枝詞

謹案竹枝詞劉禹錫謂為巴歛音協黃鍾羽末如吳聲故吳人多效之元楊維禎朔為西湖竹枝一時和者百有餘家其自序云一洗樽俎粉黛之習道揚諷諭古人之教廣矣采風謠者其可忽諸意蓋取於變風故能不失唐人尺度自後作者彌衆而協律者鮮存其尤雅者以備詩家之一體云

元

楊維禎

字廉夫號鐵崖諸暨人

蘇小門前花滿株蘇公隄上女當壚南官北使須到此



江南西湖天下無

鹿頭湖船唱菽郎船頭不宿野鴛鴦爲郎歌舞爲郎死  
不惜眞珠成斗量

家住西湖新婦磯勸君不唱縷金衣琵琶比是韓憑木  
彈得鴛鴦一處飛

湖口樓船湖日陰湖中斷橋湖水深樓船無柁是郎意  
斷橋無柱是儂心

病春日日可如何起向西窗理琵琶見說枯槽能卜命  
柳洲街口問來婆

小小渡船如缺瓜船中少婦竹枝歌歌聲唱入箏篴調  
不遣狂夫橫渡河

勸郎莫上南高峯勸儂莫上北高峯南高峯雲北高雨  
雲雨相催愁殺儂

石新婦下水連空飛來峯前山萬重不辭妾作望夫石  
望郎或似飛來峯

望郎一朝又一朝信郎信似浙江潮浙江潮信有時失  
臂上守宮無日消

西子楊載

字仲弘蒲城人

西子湖邊楊柳花隨風飄泊到天涯青春遇着歸來燕  
銜入當年王謝家

一種腰枝分外妍雙眉畫作月娟娟春風吹破襄王夢  
行雨行雲若箇邊

宋本 字誠夫大都人

湧金門外是西湖隄上垂楊盡姓蘇作得吳趨阿誰唱  
小卿墳上露蘭枯  
舊時家住黑橋街二十餘年不往來憑仗使君一問訊  
楊梅銀杏幾回開

薩都刺 字天錫答失蠻氏

湖上美人彈玉箏小鶯飛上玉窗櫺沈郎雖病多情在  
倦倚屏山不厭聽

同同 字同初蒙古氏

西子湖頭花滿煙共郎日日醉湖邊青樓十丈鈎簾坐  
簫鼓聲中看畫船

鄭元祐 字明德遂昌人

青青兩點海門山郎去販鮮何日還潮水便如郎信息  
江花卻似妾容顏

張雨 字伯雨錢塘人

光堯內禪罷言兵一番御舟湖上行東京鄰舍宋大嫂  
就船猶得進魚羹

貢師泰 字泰父宣城人

葛嶺東家是相門當年甲第入青雲樓船車入裏湖去  
可曾望見岳王墳

芙蓉葉底雙鴛鴦飛來飛去在橫塘人生多少不如意  
水遠山長難見郎

柳洲寺前湖水平阿誰湖上唱歌聲畫船買得十樣錦

行近荷花須緩行

紅裙女兒坐船頭朝朝暮暮白蘋洲近來學得新行令  
爲郎把酒一澆愁

宇文公諒 字子貞京兆人

蘇小門前騎馬過相逢白髮老宮娥自言記得前朝事  
只說當年賈八哥

赤闌橋低官柳斜粉墻短短阿誰家女郎恰抱琵琶出  
早有小船來賣花

奴唱吳歌郎扣舷明朝郎去又誰憐恨殺吳山遮望眼

不見江頭郎去船

斷霞灑灑魚尾紅清唱一聲吳山東阿奴只在繡簾裏  
隔着荷花無路通

湖上交秋風露涼湖中蓮藕試新嘗蓮心恰似妾心苦  
郎思爭似藕絲長

菱葉菱花閒水紅采蓮入港與郎逢勸君挾彈休打鴨  
鴛鴦飛起杳無踪

賈策 字治安大梁人

郎身輕似江上蓬昨日南風今北風妾身重似七寶塔

南高峯對北高峯

鄭賀 字慶父諸暨人

北高峯頭儂望夫望見西子下姑蘇脂塘水腥吳作沼  
莫將西子比西湖

黃公望 字子久自號大癡富春人

水仙祠前湖水深岳王墳上有猿吟湖船女子唱歌去  
月落滄波無處尋

康瑞 字瑞玉廬陵人

蘇公六橋柳垂隄照見郎君鞍馬肥蜻蜒蝴蝶不相識

各自相憐尋伴飛

趙弈

字仲光吳興人

湖頭日日水光波  
兩兩吳娃打槳過  
笑隔芙蓉不相識  
向人猶自唱吳歌

唐棣

字子華吳興人

門前桃柳亂吹花  
第一橋頭第一家  
馬上郎君休挾彈  
柳枝深處有慈鴉

楊伋

字謙思天台人

大船槌鼓銀酒缸  
小船吹笛紅繡窗  
鴛鴦觸櫂忽驚散

荷花深處又成雙

燕子來春雁來秋  
曾見錢王衣錦遊  
英雄謾說八百里  
只管東西十四州

獅子峯頭插將旗  
鳳凰山下草離離  
三宮去後宮門閉  
恰似錢王納土時

李庸

字仲常東陽人

六橋橋下水流東  
橋外荷花弄晚風  
郎心似水不肯定  
妾顏如花空自紅

朱彬

字仲文盱江人

南北峯高作鏡臺十里湖光如鏡開行人有心都照見  
勸郎肝膽莫相猜

湖水東來日欲西蘭苕參差那得齊蘇公隄邊人蕩槳  
吳山樹頭鴉欲棲

歐陽公瑾

字彥珍廬陵人

第一橋邊第一家瓜皮船子送琵琶妾身自是良家女  
不是當年蘇小家

倪瓚

字元鎮毘陵人

鷓鴣生長最高枝雁壻銜將向北歸天長水闊無消息

只有空梁燕子飛

桐樹初栽金井西月明照見影離離不比蘇公隄畔柳  
烏鴉飛過鵲鳩棲

錢王墓田松柏稀岳王祠堂在湖西西泠橋邊春草綠  
飛來峯頭烏夜啼

阿翁聞說國興亡記得錢王與岳王日暮狂風吹折柳  
滿湖煙水綠茫茫

春愁如雪不能消又見清明賣柳條傷心玉照堂前月  
空照錢塘夜夜潮



西海志 卷四十一 七  
嗷嗷歸雁渡春江明月清波雁影雙化作斜行箏上字  
長彈幽恨隔紗窗

高克禮

字敬臣河間人

第一橋頭第四灣看魚直上玉泉山大魚已逐龍飛去  
留得當時舊賜環

李元珪

字廷璧河東人

郎去遠過江上山望郎江上幾時還只怕郎歸不相識  
湖邊日日照容顏

三月湖邊花正開江邊望船郎未回燕子來時春又去

心酸不待喫青梅

于立

字彥成號虛白廬山人

儂家住在湧金門青見高峯白見雲嶺上已無丞相宅  
湖邊猶有岳王墳

楊柳樹頭雙鶉鴣雨來逐婦晴來呼鴛鴦到死不相背  
雙飛日日在西湖

錢惟善

字思復號曲江居士

阿姨住近段家橋山妬蛾眉柳妬腰東山井頭黑雲起  
早迴家去怕風潮

西湖之水清而深照見西山碧玉簪流入城中釀官酒  
日課豪家千兩金

貧家教妾日當鑪馬上郎君不敢呼折得荷花待郎贈  
葉閒紅淚滴成珠

楊柳人家雙燕雛銜泥燕婉越羅襦雕胡掌齊藕絲嫩  
五月西湖天下無

春日高樓聞竹枝梨花如雪柳如絲珠簾不被東風捲  
只有空梁燕子知

錢湖門外春茫茫不歌采菱歌采桑其道蓮心苦於妾  
未應花貌不如郎

日暮天寒遠水濱孤山愁絕四無鄰誰家處子如冰雪  
行傍梅花不見人

曹睿

字新民永嘉人

昨夜西湖月色多照見郎君金叵羅明朝江頭放船去  
江亭風雨奈君何

吳復

字見心富春人

官河繞湖湖繞城河水不如湖水清不用千金酬一笑  
郎恩才重妾身輕

西京寄書三載強錦心織出雙鴛鴦肯逐大隄楊柳絮  
一翻風雨一翻狂

鄒韶

字九成吳興人

十五女兒羅結垂照水學畫雙蛾眉長橋橋下彎彎月  
偏向儂家照別離  
妾家西湖住橫塘門前楊柳萬條長憑郎醉後莫折斷  
留待重來繫馬韉  
風篁嶺頭西日暉青龍港口新月微放船過去還早在  
待取一道夜歌歸

闌瑣六橋春水深鴛鴦鷓鴣蕩人心吳兒生長自吳語  
卻向船頭學楚吟

湖上荷花嬌欲語湖中女兒木蘭舟荷花折得渾似好  
只恐荷盤不耐秋

蘇隄煙寺一徑同春花秋月長相逢白面少年不相識  
笑擲金錢喚阿儂

吳禮

字叔和歙縣人

湖上鴛鴦相對飛春寒着人郎未歸莫捲珠簾看行路  
楊花撩亂撲人衣

張簡 字仲簡號雲邱道人

鴛鴦蝴蝶盡雙飛楊柳青青郎未歸第六橋邊寒食雨  
催郎白苧作春衣

陳聚 字敬德天台人

茜紅裙子柳黃衣花閒採蓮人不知唱歌蕩槳過湖去  
荷葉荷花風亂吹

馮士頤 字正卿富春人

與郎情重為郎容南北相看只下 罕請看雙投橋下水  
新開雙朶玉芙蓉

楊椿 字子壽蜀人

儂家生長在西湖暮管朝絃隨處呼早聽當初阿姨語  
免教今日悔狂夫

郎去天涯妾在樓西湖楊柳又三秋郎莫情似潮頭水  
城北城南隨處流

陸仁 字良貴河南人

山下有湖湖有灣山上有山郎未還記得解儂金絡索  
繫郎腰下玉連環

別郎心緒亂如麻孤山山角有梅花折得梅花贈郎別

西湖志 卷四十一 十一  
梅子熟時郎到家

王中立

字彥強蜀人

孤山梅花開雪中恰似阿儂冰雪容不學畫橋南畔柳  
春來容易惹東風

湖山堂前密雨飛蘇公隄上行人稀  
嗔郎扁舟早回去  
春泥日晚汚郎衣

馬貫

字本道紹興人

吳姬軋軋小車紅爭來陌上看春風不敢高聲唱歌去  
恐驚丞相在船中

百花樓頭聞馬嘶郎從花裏鬪金雞朝朝捲起珠簾望  
不是郎歸不下梯

掌機沙

字密卿阿魯溫氏

南北峯頭春色多湖山堂下來棹歌美人蕩槳過湖去  
小雨細生寒綠波

不花帖木耳

字德新元國族

湖上春歸人未歸桃紅柳綠黃鶯飛  
桃花落時多結子  
柳花落處祇沾衣

馬稷

字民立吳郡人

與郎別久夢相思不作西湖蝴蝶飛化作春深鷓鴣鳥  
一聲聲是勸郎歸

繆侃

字叔正常熟人

初三月子似彎弓照見花開月月紅月裏蟾蜍花上蝶  
憐渠不到斷橋東

熊進德

字元修上饒人

金絲絡索雙鳳頭小葉尖眉未着愁大姑昨夜苕溪過  
新歌學得唱湖州

銷金鍋邊瑪瑙坡爭似儂家春最多蝴蝶滿園飛不去

好花紅暈到春羅

秦約

字仲文淮海人

湖上女兒好腰支織金衣裳光陸離見人不語背人笑  
唱得楊家新竹枝

朱元禧

字無逸姚江人

十三女郎不出門父娘墓在葛山根同攜女伴踏青去  
不上道傍蘇小墳

湖上采薪春復春養蠶長見繭絲新老蠶不識人閒事  
猶趁東風了此身

韋珪 字德珪山陰人

湖中艇子風徐徐秋水蕩漾金芙蓉釣魚不是貪雙鯉  
爲恐腹中藏素書

蘇小門前月漾波牽牛織女挂秋河恨妾如星圓處少  
恐郎如月缺時多

任昱 字則明四明人

儂住湖邊二十年花開花落任春妍門前有箇垂楊樹  
不着遊人繫畫船

申屠衡 字仲權大梁人

白苧衫兒雙髻丫望湖亭子是儂家紅船撐入柳陰去  
買得雙頭茉莉花

春去春來愁別離淡妝濃抹妬西施只今五斗青螺黛  
留待郎歸好畫眉

顧佐 字翼之崑山人

阿儂心似湖水清願郎心似湖月明南山雲起北山雨  
雲雨朝朝何處晴

周溥 字公輔吳興人

西湖西畔上清家美人有如萼綠華七星道冠拜星斗

萬一瓊臺乘紫霞

留睿 字養愚 枯蒼人

湖上南風六月涼  
采蓮驚起雙鴛鴦  
妾心卻似蓮心苦  
郎心不似藕絲長

張田 字芸己 吳郡人

潮去潮來春復秋  
錢塘江水通湖頭  
願郎也似江湖水  
暮去朝來不斷流

張翼 字翔南 建德人

南高北高峯頂齊  
錢塘江水隔湖西  
不得潮頭到湖口

郎船今夜泊西溪

馬琬 字文璧 秦淮人

湖頭女兒二十多  
春山兩點明秋波  
自從湖上送郎去  
至今不唱江南歌

張世昌 字叔京 諸暨人

秦皇石頭三丈高  
云是秦王繫船標  
儂心只似繫船石  
莫比郎心船易搖

李介石 字守道 丹邱人

春暉堂前挽郎衣  
別郎問郎何日歸  
黃金臺高倘回首



西海志 卷四十一  
南高峯隱白雲飛

張希賢

字希顏崑山人

孤山腳下路三叉孤山墓上好梅花不似馬塍桃李樹  
隨春供送到人家

顧敬

字思恭吳郡人

樓船女兒日晚歌蓮心結子縮雙螺湖水瀟瀟明月白  
奈此湖中涼夜何

朱庸

字伯常四明人

小姑疑郎去不歸爲郎打瓦復鑽龜青山尙有飛來日

不信人無相見時

葉廣居

字居仲嘉禾人

水長西湖一尺過湖頭狂客奈愁何鯉魚吹浪楊花落  
聽得櫓聲歸思多

聶鏞

字茂先蒙古氏

郎馬青驄新鑿蹄臨行更贈錦障泥勸郎莫繫蘇隄柳  
好踏新沙宰相隄

完澤

字蘭谷西夏人

花滿蘇隄酒滿壺畫船日日醉西湖阿儂最苦雨離別

不唱黃鶯唱鷓鴣

黃季倫

字季倫番陽人

錢塘江頭莎草齊  
錢塘女兒歌別離  
願郎相見如月子  
月子團團無暗時

湖上女兒猶褐衣  
出門日日望郎歸  
春水繞湖春草綠  
草上雙雙蝴蝶飛

卞思義

字宜之光州人

小蘇吹笛最高樓  
吹作大隄楊柳秋  
只今青塚在湖上  
不識黃雲出塞愁

徐哲

字延徽陽縣人

西湖春草碧  
蕩綿上有青  
蚨子母全  
夜搗守宮和血色  
盡將塗上五銖錢

盡說西湖好  
莫愁不知天上  
有牽牛躑躅  
拚萬斛胭脂水  
瀉向銀河一色秋

陳樞

字仲機

且莫唱君楊白花  
聽我西湖竹枝歌  
竹枝青青多竹節  
楊花輕白奈君何

莊蒙

字子正烏程人

日出裏湖煙水開初陽臺下抱琴來夜深彈罷烏啼曲  
明月自照高高臺

楊慶源

字宗善泗水人

一作周南老

蘇公隄上草離離春盡王孫尚未歸風度珊瑚簾影直  
一雙紫燕近人飛

採菱女兒新樣粧瓜皮船小水中央郎心只如菱刺短  
妾情還比藕絲長

郭庸

字彥中東平人

日落平湖艇子遲岸花汀草伴人歸鴛鴦驚散東西去

唯有蜻蜓蛺蝶飛

流光昨日又今朝猶憶當年醉六橋金鵲翠蕤紛在眼  
生紅七尺繫郎腰

沈性

字自誠吳興人

儂住西湖日日愁郎船只在東江頭憑誰移得湖山去  
湖水江波一處流

燕不花

字孟初張掖人

湖頭水滿藕花香夜深何處有鳴榔郎來打魚三更裏  
凌亂波光與月光

强珣

字彥栗嘉定人

湖上女兒學琵琶滿頭都插鬧妝花自從彈得陽關曲  
只在湖船不在家

別里沙

字彥成回回人

風篁嶺下月色涼無數竹枝官道傍東家爲愛青青節  
截作參差吹鳳凰

吳世顯

字彥章

湖中日日坐船牕水面鯉魚長一雙好寄尺書問郎信  
惱人湖水不通江

袁華

字子英崑山人

昨夜憶郎開綺窗平湖月白水如江妾似兩峯日相望  
縱有飛來不作雙

顧晉

字進道崑山人

楊白花開風滿天花開成絮不成綿不如落向西湖水  
化作浮萍箇箇圓

盧浩

字養元錢塘人

記郎別時風騷騷銀鼠帽子黃鼠袍別來轍迹不可見  
湖邊青草如人高

徐夢吉

字德符於潛人

雷峯港口晚涼天  
相笑相呼去採蓮  
莫爲採蓮忘卻藕  
月明風定好回船

丁復

字仲容天台人

錢塘潮來兩岸平  
錢塘潮歸江月明  
錢塘女子新妝閣  
夜半吹簫鸞鳳鳴

陸秀民

字庶子温州人

鴛鴦宛在水中央  
恰似阿儂初嫁郎  
卻擲郎君金彈子  
勸郎切莫打鴛鴦

楊基

字子孟載吳縣人

春來芳草踏成蹊  
半是車輪半馬蹏  
多謝清明三日雨  
舊痕新綠一般齊

釋文信

字道元永嘉人

湖西日腳欲沒山  
湖東月出牙梳彎  
南北兩峯船上  
看恰似阿儂雙髻鬟

湖上采菱淋濕衣  
泥中取藕偶來歸  
惟殺鴛鴦不獨宿  
卻嫌鷓鴣傍人飛

蹙金麒麟雙髻了  
白銀作甲彈琵琶  
何曾辛苦事蠶織

水口紅船長是家

釋椿 字大年吳人

放船早出裏湖邊阿儂唱歌郎踏船唱得望湖太平曲  
其郎長樂太平年

釋照 字覺元四明人

阿儂家住第三橋白粉牆低翠竹高春光一日老一日  
怕見花開飛伯勞

日日採蓮湖水濱湖中白日照青春東風吹雨過湖去  
江花愁殺未歸人

釋福報 字復元天台人

貂帽誰家美少年黃金耳環月樣圓日斜走馬過湖去  
柳下小娃呼上船

釋元璞 字良琦吳郡人

西湖遊子那得愁美人日日狎春遊為人歌舞勸人酒  
不信春風能白頭

無名氏

蘇公隄上楊柳青人來人去管離情東風為爾叮嚀道  
折斷柔條莫再生

天竺寺前開翠微長年流水白雲飛流水入湖無日歇  
白雲出岫有時歸

明

李疇 字宗表錢塘人

總宜船中載酒波雁兒舞罷近前歌日斜莫拗青荷葉  
心似藕絲頭緒多

芙蓉花面柳絲裳柳葉眉尖恨最長嗔道王孫金彈子  
朝朝來打野鴛鴦

貝瓊 字廷臣崇德人

六月玉泉來看魚湖邊兩過盡芙蓉芙蓉花開郎更遠  
玉泉魚少亦無書

聞郎北過李陵臺湖上荷花今又開那似岳王墳上樹  
枝枝葉葉盡南回

丁麟 字彥祥海鹽人

湧金門外春水多賣花船子小如梭三三兩兩唱歌去  
驚起鴛鴦飛奈何

張鈇 字子威慈谿人

門前湖水白茫茫望盡煙波不見郎彷彿聞郎歌水調

鴛鴦飛起藕花塘

瞿佑

字宗吉仁和人

昨夜相逢第一橋自將羅帶繫郎腰願郎得似長江水  
日日如期兩度潮

望郎不來春又深相思敲斷碧瑤簪南高峯頭有香願  
早買湖船出湧金

西陵橋邊開酒壚當壚不受傍人呼郎若來時須共飲  
小槽晝夜滴真珠

西子湖邊楊柳枝千條萬縷盡垂絲東風日暮花如雪

飛入雕牆兩不知

裏湖外湖波渺茫兩崖人家都種桑採桑不怕霧露濕  
惟願朝朝逢着郎

家住西湖湖水濱湖山相對自爲鄰湖山年年相似好  
只有新人換舊人

朱朴

字元素海鹽人

麥嶺風吹小麥花古藤喬木路三义千年玉骨湘纍墓  
萬里堅城少保家

阿儂家住湖水傍菰米蓴絲野飯香貓頭紫笋尺圍大



沙角紅菱三寸長

郎從湖上打魚蝦妾在湖邊只浣紗生長不離湖水上  
湧金門外是儂家

沈周 字啟南蘇州人

春風楊柳綠絲絲似妾千思復萬思妾家有酒沙糖味  
郎若來嘗便得知

妾在船頭偷看郎郎騎白馬好風光錦樣荷花三十里  
中閒一對紫鴛鴦

入夜湖心泛畫橈孤山孤月也魂消郎來自是環錦帶

幽情期在跨虹橋

懷悅 字用和嘉興人

湖頭春色近如何湖水無風也自波郎去莫教湖上宿  
斷橋飛絮上衣多

史鑑 字明古吳江人

西湖湖上水初生重疊青山接郡城記得扁舟載春酒  
滿身花影聽啼鶯

蔣山卿 字子雲儀真人

十里湖光引玉泉仙娥遙上木蘭船最憐一種天然色

並向中流採白蓮

尹臺

字崇臺永新人

湖市羅裙映玉缸  
蘇隄楊柳拂船牕  
采蓮誤觸鴛鴦起  
飛向花間還一雙

孫一元

字太初秦人

湖日初明湖水涯  
門前鵲鳴到郎家  
折得草花還自喜  
插向阿奴雙髻丫

敖英

字子發清江人

東岸桃花紅欲飛  
西岸柳條青不稀  
兩家春色各自媚

誰在中流蕩槳歸

高應冕

字文仲仁和人

山南山北多酒家  
勸君莫惜醉流霞  
一聲棹底春歸去  
落盡西陵千樹花

凌登第

字元叔錢塘人

吳姬軋軋小紅車  
年少騎嘶白玉駟  
踏得湖頭新草遍  
梨花開過又桃花

田藝蘅

字子藝錢塘人

十三十四女兒家  
姊妹雙雙弄彩霞  
笑向玉蓮池畔去

金錢亂擲買荷花

錦馬穿花十八娘春風吹過草生香珊瑚鞭墜不回顧  
卻折柳枝三尺長

游潛 字用之豐城人

驀地風來湖水陰亂山淒雨正涔涔柳絲空自能千尺  
不繫郎船繫妾心

陳涓 字道復吳縣人

阿儂家住在湖西竹樹成林綠日齊不道門前能冷落  
年來芳草自萋萋

沈明臣 字嘉則鄞人

正月家家要看燈岳王墳上也須登春衫着破重新做  
買得紅羅又白綾

二月人家要養蠶阿奴先去採桑園橋邊跟着青衣走  
簾裏輕輕喚采鴛

三月桃花湖上紅六橋如帶鷺當中綠楊細細青驄雨  
碧水鄰鄰白鵝風

四月湖光愁殺儂半晴半雨綠陰濃燒香姐上三天竺  
走馬人來九里松

五月湖中菡萏開  
女兒妝扮采蓮來  
如梭艇子凌波去  
荷葉連天望不回

六月湖頭水自清  
涼風飛過鷺鷥輕  
妾家正住清涼處  
望得郎來月欲生

七月荷花已半零  
采菱歌起願郎聽  
雙雙蓮子齊生浦  
隊隊鴛鴦不過汀

八月山中看木樨  
芙蓉雖好弗如伊  
香風吹得郎心轉  
艷色休將妾面窺

九月桂花香可憐  
城頭月出擣衣天  
西鄰娘子寄夫壻  
東家女兒上湖船

十月湖光似鏡明  
妾來照水自家驚  
去年郎在歡同出  
今歲無郎羞獨行

十一月來湖水寒  
南高北高青一般  
鴛鴦瓦上霜花結  
琥珀枕邊紅淚殘

十二月時梅半開  
西湖踏雪少人來  
青帘賣酒煙火絕  
唯有釣魚翁獨回

閏月今年偏閏冬  
我郎差出戍遼東  
杭州一去五千里  
夜夜只圖春夢中

胡潛

字仲修錢塘人

牽絲百丈縱風鳶盼得晴和春可憐爲採新茶過龍井  
玉甌先試虎跑泉

十里荷花錦作隄郎舟泊在斷橋西妾家住熟孤山徑  
夢裏尋郎路不迷

十二橋頭日半曛酒壚花岸共氤氳七香車內多遊女  
箇箇牽簾過岳墳

鄒迪光

字彥吉無錫人

杏子單衫窄地長裙拖八幅石榴香只知此日遨遊好

不信蠶家四月忙

陳堯德

字安甫嘉興人

二八嬌娃蕩槳來西陵渡口采蓮回自憐未慣傍人見  
欲攏船回又放開

費朗

字元朗嘉興人

妾家北山近湖口但到黃昏郎出漁燈盡歸來天又曉  
他人只道合船居

隄上兒郎盡踏春獨伊馬去轉頭頻想因專爲看花出  
不看桃花只看人

邵龍章 字旬孟仁和人

拂拂荷風波面長  
葛衣輕上畫船涼  
誰家伴我西冷月  
其覓佳人雪藕香

徐灝 字大津仁和人

蘇隄新柳逐段青  
西冷碧草鬪蜻蜓  
誰家樓上呼魚擔  
要買鮮魚去解醒

問儂何事雙眉攢  
儂意和郎總一般  
不見孤山頂上樹  
梅花雖落蒂猶酸

一踏新隄展轉愁  
風吹雨打不勝秋  
愁來懶作雙挑髻  
只挽蘇州一把頭

中元放燈湖水清  
湖燈浮動塔燈沉  
妾意向思填鵲尾  
願郎勿起斷橋心

黃習遠 字伯傳吳縣人

千村萬村傍湖邊  
只種湖陂不種田  
一片籬分兩家藕  
郎休誤取別人蓮

李流芳 字長蘅嘉定人

湧金門外水微茫  
問水亭邊上小航  
三十六橋隨意去  
阿誰風色似錢塘

邵常生 字古菴仁和人

青陽處處賣湖隄白墮家家颭水旗不道岳墳春似海  
果然人像午潮時

邢雲路 字士登安肅人

南高峯頭雲氤氳北高峯上雨紛紛兩峯相對隔湖水  
妾心愁雨又愁雲

孤山雲影照西湖郎在陽關妾在吳望郎不見郎來信  
妾與孤山相對孤

高濂 字深甫武林人

湖上桃花十里紅隄邊楊柳萬條風插天樓閣應無數  
人望雲山知幾重

西湖千頃瀉銀河來往輕舸似擲梭三月春工五色錦  
裁成十里障笙歌

簫鼓樓船十二橋雕闌朱箔倚纖腰一縷春愁三月夢  
香魂飄泊向誰招

金鞍飛鞚酒樓前歌舞春風盡少年且醉玉人明月在  
不須花外更加鞭

樹裏黃鸝啼翠微花間燕子試烏衣酒家處處青旂動

西湖志 卷四十一  
三  
招得遊人盡醉歸

美人花色正相宜  
妬殺東風不住吹  
春恨不隨流水去  
依依紅浸碧玻璃

晴煙暖日競韶華  
陌上花開簇絳霞  
人散夕陽湖色暝  
獨收春去是誰家

玉蓮亭畔買輕舟  
盡日花閒泛泛遊  
妾立一橋楊柳下  
見郎又上酒家樓

西冷千樹絳桃花  
花畔儂家傍酒家  
怕醉郎歸入城市  
朝朝腸斷夕陽斜

山南山北百花开  
羅綺香從紫陌來  
驀地春心渾似夢  
不知何處是陽臺

妾搖雙櫂出西冷  
郎臥花閒醉未醒  
怪底春山千萬疊  
愁人的的晚來青

阿郎日日醉湖中  
到處花開稱意紅  
妾恨樓前楊柳綠  
不將一縷綰郎驄

樓閣連雲湖上隄  
重重簾幙護靈犀  
知郎着意青驄馬  
常在樓前來往嘶

蘇小隄邊楊柳黃  
蘭舟曾並載斜陽  
悞向花閒輸一笑



西湖志 卷四十一 藝文十一  
經年憔悴減容光

徐穎翹

字孟交錢塘人

芳草侵裙綠染腰  
郎從何處騁遊鑣  
蝶狂尙愛花枝好  
也趁東風過斷橋

王衡

字辰玉太倉人

酒盡壚青客未休  
脫身走馬恣風流  
西湖亦有橫塘曲  
一拍風吹入秀州

王思任

字季重山陰人

南屏鐘罷黑稜層  
二十亭亭月二更  
畫舸香車都不見

西湖志 卷四十一 藝文十一  
西泠橋下數漁燈

王穉登

字百穀太倉人

山田香土赤如沙  
上種梅花下種茶  
茶綠採芽不採葉  
梅多論子不論花

邵泰寧

字芳白杭州人

湖心平地起波濤  
深處相思淺處消  
儂家自向長橋住  
不比孤山有斷橋

馮廷槐

字德符錢塘人

銷金鍋邊春較遲  
瑪瑙寺前桃李枝  
莫羨斷橋花似錦

西湖志 卷四十一  
紅情綠意總堪思

姚司上

字季清餘姚人

花草芊芊蛺蝶飛嫩寒側側逗春衣試聽滑滑雙文鳥  
似唱當年緩緩歸

蘸綠裙腰草路長雙鬢隨逐軟輿傍不知露濺鞋帮膩  
偷向籬邊摘野棠

一路香風油壁車冶遊年少阿誰家情知不是儂歡面  
爲憶紅梅憐杏花

聞郎遠在鳳山阿望湖亭前空綠波瓜皮船子渡湖去

細雨斜風愁奈何

西湖湖水碧琉璃西湖楊柳綠茸絲愛殺桃花紅片片  
卻似西施好面皮

與郎暗約斷橋西早起妝樓欲下梯宿雨半收晴不穩  
惱人最是鶉鳩啼

薺麥青青三月三看看草色暗湖南忙催姊妹燒香去  
戴勝來時又養蠶

放生池岸柳叢叢香閣鈴旛四面風輕薄少年乘醉過  
手提射鴨竹枝弓

踏青湖上懶歸家更愛山行輦路賒  
妾上笨車郎跨蹇  
西溪十八里梅花

吳鼎芳

字疑父吳江人

湖心亭下水悠悠楓葉蘋花面面秋  
一段巫雲飛不去  
夜深和月到樓頭

李培

字培之長水人

湖心歌管遏春雲水底榴花六幅裙  
轉過蘇隄歌不見  
停舟齊上岳王墳

黃周星

字九煙江寧人

山川不朽仗英雄浩氣能排岱嶽松  
岳少保同于少保  
南高峯對北高峯

陂陀葛嶺久淒涼舊是驕奢宰相莊  
節用愛人猶勒石  
可憐蟋蟀半閒堂

競向西湖咏竹枝廉夫可是殢情癡  
我來恥和儂郎句  
要唱江東鐵板詞

釋仲光

字佛日杭州人

春罷笙歌也寂寥  
裏湖外湖空打撈  
柳花風起飛如雪  
亂點青蓑不肯消

鮎魚錢蟹漾沙盆小籃挑入湧金門白衫穿得班爛色  
總是六橋風雨痕

國朝

張遂辰

字相期錢塘人

車中遊女不知桑殘月梳頭出進香忽見青絲籠采葉  
陌頭猶認賣花娘

袁于令

字令昭蘇州人

夕陽一望半邱墟武穆祠前問故廬莫怪我來鬚鬢改  
六橋花柳已蕭疏

宋曹

字射陵鹽城人

樓邊車馬日蕭蕭歡樂無時斷六橋何限心情簫鼓後  
昨宵明月又今宵

胡介

字彥遠仁和人

陸公祠下酒如泉十五吳姬向晚妍兩頰欲言紅似火  
低頭學索酒家錢

一池魚種半湖蓮勝似山南山北田換得長橋新釀酒  
荷花深處刺船還

西湖勝事在中秋十二橋邊看蹴毬簫鼓闌珊山月曉

西泠志 卷四十一  
何人水調唱歌頭

漁家茅屋雪重重  
漁父船頭睡正濃  
山寺路迷無石火  
老僧敲雪下高峯

錢霍 字去病 山陰人

手把紅梅四五枝  
踏歌橋上聽笙時  
北高峯上廉纖月  
西子湖頭一寸眉

毛先舒 字稚黃 仁和人

晴湖歷歷草萋萋  
水向東流日向西  
桃花落盡楊花落  
好鳥啼休苦鳥啼

燕子飛飛啄落花  
小姑十五正無家  
爲慕西施好顏色  
月明偷出浣溪沙

古人築就太長隄  
隄上桃花望欲迷  
帶霧籠煙紅一片  
東風吹過六橋西

張振孫 字祖定 仁和人

西子湖頭是妾居  
錢塘江上景何如  
西湖不及錢江水  
他卻能生比目魚

張綱孫 字祖望 仁和人

鷺鷥飛處見郎招  
趕上郎船一處搖  
龍堂岳廟都遊了

泊在西泠裏六橋

張麟孫

字祖靜仁和人

畫舫乘風水面排遊人一半醉開懷兒童沒水爭相戲  
淘得佳人碧玉釵

張垓

字效青仁和人

家住長橋古渡西門前翠柳隱黃鸝可憐蕩子無歸信  
妒殺黃鸝不住啼  
一望蘇隄錦帶斜朦朧落月柳煙遮曉風吹起枝頭絮  
偏自飛來到妾家

沈謙

字去矜仁和人

鵝炙銀盤堆白油佳人勸酒舞船頭畫船盡道西湖好  
只載笙歌不載愁

綠柳紅桃夾酒船買歌買笑用金錢兩峯日夜雲和雨  
儂在孤山獨自眠

韋人鳳

字六象武康人

菡萏秋風花正多橫塘兩岸畫船過莫將羅綺驕歌舞  
一夜清霜盡白波

陸燦

字湘靈武進人

郎邊唱歌單唱聲妾邊唱歌兼唱情妾爲情多聲並歇  
兩峯八字蹙眉橫

梁允植

字承篤真定人

兩峯高插亂行雲烏柏青楓照夕曛葛嶺已荒丞相宅  
段橋猶剩岳王墳

南渡垂陽古岸頭絲絲猶是汴城秋可憐一片笙歌起  
消得官家幾許愁

李何焯

字愛廬河陽人

籬門一曲小橋頭倦繡鴛鴦閒倚樓正是桃花將吐蕊  
遊人風雨不移舟

秦松齡

字留仙無錫人

湖上常陰且放船孤山前去六橋連衝將細雨絲絲亂  
長得新荷箇箇圓

毛萬齡

字大千蕭山人

滿湖桃花新發枝杭州女兒知不知大姑倚闌唱金縷  
小姑蕩槳聽黃鸝

毛奇齡

字大可蕭山人

斷橋西去杏花开年年橋上送郎回分明一片連橋子

何日何年斷得來

昭慶祠頭春水生大船長榜小船行湖東日上湖西落  
湖裏何時不是晴

朱彝尊

字錫鬯秀水人

湖面蓴絲寸寸長爲郎情好作羹湯朝雲吹散峯頭雨  
日出團團雞子黃

方象瑛

字渭仁遂安人

半閒堂外草初黃秋壑無聲冷佛場葛嶺至今鳴促織  
風流誰是老平章

秦旭

字景陽無錫人

孤山山上月明多長憶西湖瑪瑙坡安得扁舟吹短笛  
梅花香裏一經過

周東田

紅苧輕衫白苧詞澄湖如眼碧山眉仙郎有約蘇隄曲  
十二橋頭看月時

陳鳳

字雨伯上元人

翠袖紅裙水上輕荷花荷葉兩盈盈斜陽落盡未歸去  
獨自西湖待月明



張信卿

字玉符温州人

楊柳橋邊春酒家  
深深草色鎖煙霞  
湖光收拾春光去  
一片飛來是落花

徐嘉綺

字舜衣仁和人

芳草平隄月滿枝  
六橋花柳笑春時  
遊人唱遍踏青曲  
驚起一雙白鷺鷥

謝起蛟

字睿因錢塘人

八月十五月團金  
湖山高高湖水深  
三潭月映三輪月  
不及湖心一點心

徐嘉瑞

字五輯仁和人

隄上遊人唱竹枝  
至今猶記澤公祠  
相逢一笑情何在  
爲問三生石不知

郭紹孔

字伯翼仁和人

處士梅花蘇小松  
儂家修竹綠陰濃  
珍禽來宿不獨自  
兩兩相呼到曉鐘

徐自俊

字野君杭州人

好風吹來動湖波  
湖上女兒舉棹歌  
蘇小鏡奩塵不染  
蘇公花柳半消磨

西湖志 卷四十一  
西湖二月飄春風簫聲鼓聲湖水中愛郎卻似李花白  
妾面不讓桃花紅

南屏一帶柳煙疏家住西湖十載餘愛向雷峯看夕照  
畫船撐過藕花居

新月眉兒新樣妝西陵橋畔踏春陽青鬟笑指前頭去  
簫鼓聲中拜鄂王

牛奂 字潛子長治人

紅板橋頭綠葉稀漁翁貫酒唱歌歸藕花深處頻移棹  
驚起鴛鴦對對飛

蘇小墳邊野草生黃鶯兩兩弄嬌聲垂鞭挾彈誰家子  
驄馬爭嘶花外行

十二紅樓葛嶺西碧桃落盡發棠梨平章第宅惟煙草  
日暮雙雙燕子棲

胡麒生 字聖游德清人

豪華不讓五侯家寶炬金樽隔絳紗可惜夜闌人競醉  
擲將風雨送桃花

周之濂 字清貽武康人

紅徧桃花綠徧楊西湖春晝好風光大家不用遮團扇

西泠志 卷四十一  
郎看儂來儂看郎

徐灝

字澱生仁和人

柳枝細竹上漁舟花港觀魚逐浪浮  
百和口脂調作餌  
愛儂芳澤繫儂鈎

亭亭塔影峙湖心月印三潭一樣沈  
竹竿十丈真難測  
只恐郎心似此深

徐倬

字方虎德清人

岳王墳下試新騎放鶴亭前數落鴉  
買得湖邊新艇子  
半船煙雨半船花

青雀船頭美少年一生長愛對花眠  
阿儂祇似衰荷葉  
搖落西風不見蓮

唐靖

字開宣武康人

儂唱漁歌歡采蓮芙蓉朵朵葉田田  
小船蕩入荷花裏  
只聽歌聲不見船

駱仁挺

字方流武康人

風雨蕭蕭愁殺儂桃花猶發舊時容  
勸郎休學孤山樣  
只學南峯對北峯

駱仁垌

字林思武康人

西湖志 卷四十一  
雨後湖光分外清遊人唱出別離情阿儂盡日遊無伴  
不許荷花並蒂生

金長輿 字虎文錢塘人

十里西湖鏡面開馬蹄日日過樓臺春光老去無人管  
亂撒金錢買不回

陸雋 字升璜仁和人

林家處士住孤山雙鶴飛飛去復還懊恨兒家不如鶴  
梅花香裏一身閒

湖中四季有笙歌湖畔居民也最多夏日種蓮春打草

滿船風雪着漁簑

呂律 字翼令杭州人

半篙春漲曉湖天一綫隄橋十里煙點點白鷗飛上下  
藕花居畔采蓴船

沈士鑛 字寶臣杭州人

十五女兒紅繫腰繡羅裙子金步搖馬看船中船看馬  
雙眉鬪損段家橋

柳葵 字靖公仁和人

楊柳腰肢紅杏腮三三兩兩斷橋來卻笑東風無賴甚

湘裙六幅等閑開

馬龍標

字沅西杭州人

忽忽傷心錦繡場肯容隙地寄耕桑杏花紅遍參星夕  
八卦田中學種秧

丁斂南

字于石仁和人

公子隄前勒紫韁佳人樓土怨流黃斷橋斜抱孤山影  
山似儂來橋似郎

陸雋

字高仲仁和人

游了晴湖泛雨湖米家山色正模糊分明畫出西施睡

還倩酒邊人去扶

楊文薦

字又如京山人

殘夢經心睡起遲春晴春雨惱花枝畫樓無限傷心事  
都在湖邊十二時

張元時

字廣平仁和人

畫船如鷁馬如龍多少遊人此地逢花落花開都莫問  
南屏閒聽數聲鐘

陸進

字蓋思餘杭人

絕大樓船望月臺看山面面八窗開偏是寒梅隱孤嶼

西湖志 卷四十一  
那能撐入斷橋來

近日西湖也種桑山邨逢着養蠶娘只因聽得笙歌慣  
夜半嗁鶻欲斷腸

翡翠鴛鴦相對飛溪頭沙背不思歸更添柳浪鶯聲好  
莫向天明便着衣

燐火青青漁火紅第三橋下有龍宮不信夜深明月落  
珠光搖蕩綠波中

陸韜 字子容仁和人

閒倚紅樓十二重兩湖流水日淙淙桃花夾岸遊人過

看了桃花像看儂

巖繩孫 字蓀友無錫人

龍井新茶貯滿壺赤闌干外是西湖年時還有當壚女  
青旆紅燈唱鷓鴣

沈允璧 字虬書錢塘人

西湖宜畫更宜真何處紅樓不住春只今桃柳無顏色  
空對青山思美人

毛際可 字會侯遂安人

夾岸流鶯喚客遊岳墳新起酒家樓攤成薄餅光如紙

西湖志 卷四十一  
怪道臨安似汴州

汪光被

字幼聞休寧人

山爲城郭水爲家風景清和蝶戀花昨暮老僧龍井出  
竹籃分得雨前茶

王勅

字復亨嘉善人

油壁香車擁翠翹西陵八月興偏饒纔觀湖上中秋月  
又看江頭十八潮

陸繁露

字邃廷錢塘人

風吹珠斗忽氤氳滴雨蕉桐夢裏聞朝望兩峯渾不見  
夜來莫是化巫雲

凌如恒

字欲上嘉興人

南湖那敢匹西湖只有鴛鴦勝水鳥攜得尊罍如北海  
管絃兩部不愁無

姜埏

字雨州仁和人

兩峯翠色正堪攀縹緲孤雲自往還杯中綠酒波閒舫  
花下游人樹裏山

沈純中

字穆如錢塘人

抱得三弦馬上彈餘音飛繞碧雲端西陵橋下如霜月

西湖志 卷四十一  
多少游人不耐看

吳宗達

字青門武進人

幾處笙歌幾寂寥  
傷心終日盼歸橈  
錢塘若解相思苦  
但有來潮無去潮

周綽

字青林仁和人

日暖蘇隄百樣嬌  
大家詩酒笑相邀  
巖阿寂寂無人問  
只放春風在六橋

施閨章

字尚白宣城人

蘇公隄下水盈盈  
採蓮歌罷露沾襟  
藕絲寸寸真難斷

蓮子房房各有心

外湖遊遍裏湖遊  
南北峯高水面浮  
弱柳新栽成絮少  
不教飛去惹人愁

郎渡錢塘妾斷橋  
春花秋月可憐宵  
妾心似海愁無岸  
不向江頭去看潮

徐之瑞

字蘭生錢塘人

春水初融芹吐芽  
盤塘沙暖藕生花  
門前舊是鴛鴦浦  
飛去飛來繞妾家

垂柳垂楊覆曉煙  
種來多在六橋邊  
風前莫被人攀折



長送清陰入畫船

樓外青旗隔苑風下方簫鼓上方鐘郎船只在鐘聲下

煙水千重復萬重

紀青 字竹遠江寧人

墓頭隄上柳株株才子佳人總姓蘇斜倚石闌臨水照

桃花也自愛西湖

林嗣環 字鐵崖晉江人

秦樓樓下聽搗箏半是秦聲半越聲小樣十番隄外好

銷魂只在斷橋笙

鄒祇謨 字訏士武進人

折得蓮房唱采荷女兒齊聽竹枝歌郎情本似西湖滿

溜水橋頭去更多

潘沐 字新彈仁和人

西湖好女白如絲錦塘美酒青如煙長橋短橋好明月

歌入竹枝聲可憐

吳剛思 字修蟾武進人

日日西湖盪畫橈樓船風拂浙江潮儂今欲望郎歸路

南北峯頭那箇高

王嗣槐

字仲昭錢塘人

四月八月柳陰齊兩峯嬌鶯恰恰啼搖幡打鼓三竺去  
岳王祠路草萋萋

小春竹閣定香橋數照山花透樹腰于墳祈夢夢不得  
月落兩峯暗度潮

胡夢桂

字天植仁和人

滿湖風月夜深沈郎比風箏儂月琴柳線牽風繫郎意  
荷花浸月印郎心

葉雷生

字蕃仙山陰人

空持環玉掌中痕隔歲鳴箏水上邨誰道六橋殘照裏  
紅蕖重見杏娘魂

許風

字德遠錢塘人

補種蘇隄柳漸長新栽桃樹亦成行儂家只是貪蓮子  
佃取西泠橋內塘

紀映鐘

字伯紫江寧人

無數桃花照翠鈿一泓碧水繞邨煙西湖自是西施鏡  
重鑄元和元祐年

王士禛

字子底新城人

冶遊風景未全迷不羨襄陽有大隄山似裙腰騎翡翠  
水如奩鏡壓玻瓈

日夕湖樓霽景閒擅青浮碧鬪彎環朝來水霧濃含雨  
失卻雷峯一帶山

游情相殢一春濃白晳少年嬌似儂瑪瑙寺前纔瞥見  
紫雲洞口又相逢

渡頭向曉聚蘭橈勝日春風粉黛饒相喚茅家埠邊去  
紛紛搖過第三橋

錢肅潤

字礎日無錫人

綠樹蕭疏芳草萋春風飄蕩各東西外湖水鎖裏湖水  
前橋隄接後橋隄

王介錫

字振嶽山東人

小樓昨夜雨濛濛玉笛吹來別院風恨妾門前無綠柳  
教郎何處繫青驄

沈士瑛

字虛谷餘杭人

幾回棹破水西樓動地笙歌鼓勝遊緩緩泊船昭慶去  
囑郎買箇小杭州

周廷增

字仔魯山陰人

西湖志 卷四十一 五  
臨風柳帶綠依依貼水荷錢箇箇肥一對鴛鴦方睡穩  
畫船撐過又驚飛

姜璜 字渭叟德清人

梅花看盡又桃花誰問蕭蕭竹影斜只有風流白太守  
高居竹閣領煙霞

蕭瑄 字五雲雲南人

東嶽生辰萬福偕龍旗葆羽兩邊排惱殺西溪山路窄  
歸來遺失鳳頭釵

羅坤 字弘載會稽人

北高峯頂夕陽斜三竺人歸少婦家認是年年舊香客  
滿頭都插杜鵑花

捕得魚歸酒未沽阿儂重上呼提壺月明好向湖心去  
兩兩三三唱鷓鴣

許徹 字湛明休寧人

十二橋頭游客稀畫船盡向斷橋歸青青柳色迎歌棹  
豔豔湖光映舞衣

章昞 字天節仁和人

湖心亭子影微茫畫檻雕闌漾水光生成多少閒花鳥

日日歌聲送夕陽

徐敷奏

字以言武康人

清明無客不思家  
湖北湖南開野花  
乞得東鄰桑柘火  
待郎來潑雨前茶

邵斯衡

字瑤文餘杭人

桃花不香藕花香  
盡道長隄勝野塘  
西陵一曲儂占住  
夜來新月好乘涼

王牙來

字古直錢塘人

湖上風吹楊柳花  
橫塘流水夕陽斜  
黃鶯聲滑留人醉

半在西陵賣酒家

許楚

字方城休寧人

資嚴古院半邱墟  
滿壑梅花泛雪渠  
剩有顛師功德水  
至今留得半焦魚

秦保寅

字樂天無錫人

西湖湖水映虛空  
一幅鮫綃熨貼工  
縱有微風吹不亂  
青山織在浪花中

許造

字殿枚餘杭人

隄上時聞度曲聲  
湖中常有畫船橫  
篙師載得嬌娥慣

西湖志 卷四十一  
只認桃花深處行

日夕誰人湖上來  
三潭影靜鷺鷥猜  
斷橋一派簫聲引  
自有紅船夜半開

許遷

字殿蜚餘杭人

幾陣風吹雨驟來  
掀頭艇子剪波回  
阿儂獨向樓頭坐  
一曲清歌酒一杯

周楚湘

字子魚山陰人

湖上輕波湖外山  
遊人漸減是春殘  
畫船爭似魚船穩  
長伴浮鷗水國閒

張玉藻

字孺懷仁和人

晚風搖度遠山鐘  
雨過煙巒翠幾重  
月出平湖明似鏡  
輕舟搖漾采芙蓉

黃道會

字子一休寧人

斷橋西去水粼粼  
朱闌翠幙盡藏春  
雙鬟嬌豔當門立  
人看湖山儂看人

黃相儒

字人需餘杭人

燕子初飛鶯漸慵  
和煙着雨錦苔封  
隄頭空有花千片  
閒閣青鞋愁殺儂

胡埏 字潛九錢塘人

十里湖光照錦臺松舟檜楫錦中開  
水流花片六橋去風帶鐘聲三竺來

余庚 字紫芳錢塘人

何處飛來白鷺鷥藕花生處捕魚兒  
得魚又向三潭去貪醉鴛鴦知不知

周遇祿 字兼三仁和人

杏子春衫楊柳腰湖頭狂客競相招  
柳洲亭外歌聲罷點點漁燈簇斷橋

徐慶 錢塘人

東風斜颺柳條新花落花開幾度塵腸斷  
去年湖上別滿船煙雨送歸人

周珂 字越石嘉善人

西湖風景近如何舊日池塘青草多  
白蓮生藕紅生蒨試向隄邊看種荷

潘秦 字叔游會稽人

遙望荷花蕩漾中當年人面照花紅  
畫船簫鼓今何處剩有孤山鶴唳空

張郿魯

字魯唯錢塘人

濃香陣陣出籃輿  
女伴相呼每下車  
金沙灘頭數白鷺  
玉泉寺裡看紅魚

顧戩宜

字穀臣嘉善人

游子春風恣往還  
六橋煙雨翠微閒  
阿儂不為看歌舞  
着眼湖邊兩岸山

蔣漢紀

字波澄仁和人

畫船女兒唱竹枝  
隄上遊人步遲遲  
歌聲不似游絲蕩  
卻有桃花惹着時

吳鏘

字聞璋吳江人

西泠風景自無窮  
秋月春花迥不同  
兩岸青山一湖水  
儂家自住畫圖中

張鳴鶴

字子和紹興人

誰家蘇隄吹玉簫  
蘇隄夾岸美人桃  
年年花落無消息  
莫怪當初喚斷橋

周禹吉

字敷文仁和人

金井當窗覆碧梧  
月明愁對小山孤  
郎情似井深無底  
夜夜銀牀轉轆轤



西湖志 卷四十一  
洪昇

字昉思仁和人

西湖風日春芳菲桃花夾路鶯亂啼他鄉客到尙難別  
不道狂夫翻不歸

朱大年

字介眉仁和人

有女嬌如鄭旦顏何時同載暮潮還但將湖水通江水  
莫使吳山隔越山

毛遠公

字驥聯蕭山人

秋葉飛來武穆祠南峯高去北峯卑前朝多少傷心曲  
莫唱高宗漁父詞

朱一是

字近修海寧人

湖頭荷花似妾紅湖頭柳葉妾眉同明朝有意來相訪  
家住南塘暗水通

鄒陞

字九揖無錫人

盧舍風迴竹閣煙白蘇隄上草芊芊行來有女半遮面  
似怯東風不上前

胡應涑

字澄遠仁和人

歸錦橋西是妾家散花灘上好繁華郎來騎馬無尋處  
開遍春風千樹花

王倩

字曼仙山陰人

孤山腳下七香車放鶴亭前處士家  
郎若扶僮山下去與郎親手折梅花

燒春美女好紅裳滿面芙蓉撲玉缸  
莫訝鱸頭酒味薄兒家生小住餘杭

香閨高築望夫臺郎在江南船未開  
總使心如江上石飛來峯也要飛回

虎跑泉水竹風鱸龍井茶芽磁瓦壺  
誰道雨中山果落紅菱新販過西湖

胡任輿

字芝山江元人

長隄一帶水渟渟綉鎖煙波入遠青  
如與逋仙收拾盡斷橋深處是西泠

夏煒

四面空波捲笑聲湖光今日最分明  
舟人莫定遊何處但望鴛鴦睡處行  
行觴次第到湖灣不許鶯花半刻閒  
眼看誰家金絡馬日馱春色向孤山

姜宸英

字西溟慈谿人

為官莫上古杭州作客莫向西湖遊一片湖光三十里  
教人何處不淹留

孤嶼青青處士家新年爭發舊年花可憐落盡疏斜影  
一半荒亭倚暮霞

張秉元

字寶持仁和人

蓮葉青青蓮子生乘船終日鏡中行歡愛湖光儂盪槳  
驚起鴛鴦月五更

吳元吉

字公安錢塘人

年年春半是清明女伴成行湖上行綠柳繞隄初日照

紅裙着地午風輕

沈賦

字相如仁和人

湖心一點是孤山郎去看花何日還山孤近有儂為伴  
山花不比去時顏

胡嗣

字孝昭杭州人

煙雨雙峯像米山西施睡夢未開顏直待紅花綻秋日  
柳絲也學白家蠻

張芳

字菊人句容人

飛來峯下綠陰成蕭九娘家舊有名若從此路登天竺

西湖志 卷四十一  
小白華巖屋裏行

俞士彪

字季璫錢塘人

湖水澄澄水色青半湖春雨自揚舲可憐荒草牛羊地  
說是當年問水亭

徐鈞

字電發吳江人

舉頭偷看月團團荷葉荷花不耐寒行人自解岳墳去  
蟋蟀秋風一半閒  
長隄短隄柳萬條粘天草綠上裙腰小船撐過茅家埠  
春水新添沒半篙

菡萏初開錦不如儂家近傍藕花居外湖春草裏湖水  
比日鴛鴦比日魚

顧自俊

字秀升錢塘人

十里荷花盪六橋盈盈碧水映人嬌無端香動荷花裏  
驚起鴛鴦是玉簫

韓魏

字醉白揚州人

裏湖外湖荷葉芳采蓮女兒朝趁涼紅裙翠蓋相撩亂  
不辨亭亭菡萏香

張瓚

字公執武定人

西湖志 卷四十一  
東南名勝數西湖柳葉桃根當酒壚獨有梅花無世態  
孤山歲歲伴林逋

合澗橋邊是妾家紅樓竹映酒旗斜門前有箇垂楊樹  
好繫郎乘白鼻騮

沈豐垣

字適聲杭州人

兩峯對壓兩湖欹隨分登樓幾賦詩小艇呼來纔攏岸  
竹絲穿賣小魚兒

稽永仁

字留山無錫人

聽歌人立斷橋西一段春雲一段隄隣舫十番聲未歇

琵琶撥動夕陽低

蓴絲逸品數西湖單槳乘舸采嫩腴滑膩流脂三月味  
傲他紫葺與青菰

董俞

字蒼水松江人

寂寂僧寮旅況清暮鐘敲罷佛燈明誰憐此夜思鄉客  
聽盡西湖舊雨聲

曹鑑平

字掌公嘉善人

儂種荷花映水妍郎來得藕又思蓮阿儂不信浮萍客  
須結三生石上緣

柯維楨

字翰周嘉興人

兩峯突兀插天青  
畫舫調絲過碧汀  
聞向蘇隄看月色  
晚鐘隱隱出南屏

郭承彪

字繡虎錢塘人

蟋蟀閒堂幾度秋  
繁華莫話古杭州  
只今何處堪憑弔  
先覺祠堂正氣樓

朱宗文

字景亭杭州人

麴院西頭湖水深  
紅蓮白藕自浮沉  
藕花開出如郎面  
蓮子生成似妾心

潘睿隆

字聖階仁和人

南峯北峯峯對高  
簫聲鼓聲動搖阿儂  
最喜看春色  
借住西湖第一橋

張聖濟

字願博仁和人

畫舫笙歌紅粉多  
眉如新月眼如波  
鴛鴦雙宿斷橋畔  
故喚舟人緩緩過

張道升

字慎高武林人

二月村姑過錦塘  
望湖亭下拜龍王  
龍舟偏是端陽近  
儂欲來時恐插秧

唐嗣昌 字百男 仁和人

望郎直上南高峯望郎直上北高峯  
兩峯雲雨有時合  
郎不來時愁殺儂

釋真慎 字心一 松江人

大蘇隄頭西復西那株楊柳不鶯啼  
無數青旗爭駐馬  
一番紅雨怕沾泥

無名氏

紅漆車兒駕白羊吳鹽空灑竹枝香  
不知羊角如心曲  
纔聽車輪空斷腸

無名氏

低着紅裙短着衫黃昏偷上最高巖  
月光散作湖心鍊  
妾夢已隨江上帆

最是西湖十二樓夕陽新月幾春秋  
落花流水爭相逐  
斷送遊人多少愁

西湖志卷之四十一

總校董紹舒分校陳昌壽校

西湖志卷之四十二

藝文 十二

閨秀

謹案西湖遊覽志餘載香奩豔語一卷蓋自西湖有西子之喻而淡妝濃抹遂為羅綺之場寶馬鈿車殆無虛日第吟椒咏絮不多流布詞林僅從搜討之餘錄其里居姓氏依唐人選詩例別為閨秀以存田志之舊云

宋

朱淑真

四朝詩集淑真海寧人文公姪女西湖遊覽志淑真錢塘人幼警慧善讀書工詩風流蘊藉早年父母無識嫁市井民家淑真抑鬱不得志抱恚而死父母復以佛法并其平生著作茶毗之



臨安王唐佐為之立傳宛陵魏端禮輯其詩詞名曰斷腸集

湖上閑望

照水芙蓉入眼明  
敗荷枯草鬧秋聲  
疏雲不雨陰長定  
喚起詩懷酒興清

薄雲疏日弄陰晴  
山秀湖平眼界清  
不必西風吹葉下  
愁人滿耳是秋聲

遊湖晚歸

戀戀西湖景  
山頭帶夕陽  
禽歸翻竹露  
果落響芹塘  
葉倚風中靜  
魚游水底涼  
半亭明月色  
荷氣惱人香

金麗卿

古杭雜記臨安婦人金麗卿題廣信道中

題壁

家住錢塘山水圖  
梅邊柳外識林蘇  
平生慣占清涼國  
豈料人間有暑途

元

曹妙清

楊維禎西湖竹枝詞小傳士女曹妙清字比玉自號雪齋錢塘人善鼓琴工詩章三十不嫁而風操可尚觀其所賦竹枝詞可識其人焉行書點畫皆有法度嘗寫詩寄子答之云紅牙管蒂紫狸毫雪水初融玉帶袍寫得雪濤萱草帖西湖紙價頓能高形管遺編玉帶袍者曹之名硯萱草帖者狀其孝也

西湖竹枝詞

美人絕似董嬌嬈家住南山第一橋不肯隨人過湖去  
月明夜夜自吹簫

張妙淨

名媛詩歸妙淨字惠蓮號自然道人錢塘人曉音律清逸而才晚居姑蘇之春夢樓

西湖竹枝詞

憶把明珠買妾時妾起梳頭郎畫眉郎今何處妾獨住  
怕見花開雙蝶飛

明

費懿芳

懿芳滇南永昌人羊士弘妻所著名蘭軒集天順癸未太常少卿陳贄為之序

謁三茅宮壽觀

春和宇宙謁三茅路入神宮景色饒一派笙簫歌碧落  
半空樓觀倚丹青童夜看燒丹火白鹿朝來採藥苗  
綠鬢真人能好客胡麻飯罷進仙桃

謁天竺觀音寺

瓶插楊枝甘露漿百花叢裏號高王白鸚飛遶琉璃殿  
紫竹環遮瑪瑙牀寶庫盡懸金絡索法身長掛玉玎璫  
補陀巖畔無心住天竺山中闡道光

觀三生石

西湖志 卷四十一  
記得峨眉契約深青牛獨跨夜長吟自從悟徹三生夢  
千古高風說至今

屠瑤瑟

列朝詩集瑤瑟屠氏字湘靈鄞縣屠長卿之女士人黃振古之妻

採蓮曲二首

六橋垂柳兩邊分日暮吳歌隔岸聞  
祇解蓮花如粉面不知荷葉是羅裙

妾飛兩槩入清溪杏子春衫一色齊  
欲採芙蓉招女伴何人寄到苧蘿西

朱妙靜

明詩綜妙靜字仲嫻號靜菴海寧人尚寶卿朱祚女光澤教諭周濟妻有靜菴集

西湖竹枝詞

西子湖頭賣酒家春風搖蕩酒旗斜  
行人沽酒唱歌去踏碎滿階山杏花

橫塘秋老藕花殘兩兩吳姬蕩槩還  
驚起鴛鴦不成浴翩翩飛過白蘋灘

湖曲

湖光山色映柴扉苑屋疏籬客到稀  
閒摘松花釀春酒旋裁荷葉製秋衣  
紅分夜火明書屋綠漲晴波沒釣磯  
惟有溪頭雙白鳥朝朝相對亦忘機

謹案朱妙靜名媛詩緯作朱令文字仲嫺橋李詩繫作朱妙端字靜菴互有異同存以俟考

徐媛

林下詞選媛字小淑法名淨照姑蘇人太僕徐實繼女提學范允臨夫人能文善書與寒山陸

卿子為詩友

泛西湖經西陵蘇小小墓

西陵風影澹輕陰幽翠香寒墓草深千古春隄杳油壁只今何處問同心

風環水佩已無聲誰跨青驄陌上行一段芳魂渾似結

可憐松柏自青青

遊龍井滯雨漫成

玉液泠泠走碧沙芳池碎壁散冰霞花深古徑啼鶯小黛濕雲寒染露華

珊珊奇樹亂棲鴉龍窟游鱗嬉淺沙繚繞青莎浮幾點憑流怪石似靈槎

細草輕煙小徑斜半空寒雨洗亭花山厨不作伊蒲饌拾得松丸自煮茶

田玉燕

名媛詩緯玉燕字雙飛錢塘人博士田公藝蘅女適湖州文學徐元舉著有玉樹樓遺草

張母邀泛西湖

明聖湖光好連輿登畫船薰風吹席上款曲話尊前笑

指蓮欵水還看柳織煙斜陽歸棹裏簫鼓兩隄邊

三子讀書西湖因示

湖邊帷可下遊子拂輕裾樹裏鶯啼候簾前花落初須  
觀高士傳頻讀古人書勿逐蘇隄客都將歲月虛

寄武林嬌飛妹

閒庭悄寂惹春愁歷亂楊花飛滿樓擬泛西湖青雀舫  
夜來常自夢杭州

楊若仙

見沈宜修所輯伊人思

舟泊西陵話蘇小有感

愁絕西陵渡沿洞未可親簾鈎虛夜月油壁委荒塵松

解心頭結嵐添鏡裏鬢年年春草碧芳氣尙撩人

吳氏

名媛詩緯富陽人文學邵起元繼妻早寡相舟自矢事姑以孝聞撫三子成立著有冰玉堂詩

拜岳墳

志節出來日月光到今何處問行藏可憐白骨埋荒塚

淚灑青山幾萬行

梁孟昭

閩秀集初編孟昭字夷素錢塘人書畫譜孟昭茅九仍室能詩工畫花鳥

登天竺

爲憐春欲盡命駕作春遊僻鳥唳深竹浮舟逐遠鷗小

橋連斷岸茂草合通溝雲漫晴山暗煙凝晚樹稠燕隨  
飛絮舞水逐落花流雨迫難為住風恬似可留幽懷方  
有恨即景又增愁

葉小鸞

歷代詩餘小鸞字瓊章閩秀集初編一字瑤  
期紹袁幼女年十七先婚期而歿遺稿名返

生香

遊西湖

隄邊飛絮起一望暮山青畫楫笙歌去悠然水色冷

項貞蘭

歷代詩餘貞蘭字孟晚秀水人黃卯錫  
妻有裁雲月露二草陸卿子為之序

西湖泛月

為訪湖山勝攜尊問六橋月明雲影薄林靜鳥聲嬌暗  
谷時聞籟清歌半度簫白鷗驚欲起歸路不知遙

天竺

嵐氣侵衣袂輕風拂鬢鬟徑深芳草合林靜落花殷人  
集煙中寺僧歸樹杪山崎嶇探勝槩贏得此身閑

黃幼藻

名媛詩歸幼藻字漢宮莆田人蘇州通判議  
女禮部林啟昌子恭卿妻也姿韻高秀少受

業於宿儒方泰十三四工聲  
律通經史所著有柳絮編

武林秋景

湖上芙蓉近小舟晚來清淚對花流要知客自悲長夜

不為西風怨早秋

魏將蘭

名媛詩緯將蘭杭州人年十八未字而天有遺草一卷

春隄得騶字

花滿春林酒滿舟花閒蹀躞走驂騑舟中春色已如許

可惜西施逐水流

孫宜人

名媛詩緯仁和人州守錢兆元妻著有琴瑟居集

九日舟次聞歌

太虛分寶鏡一半在湖心住楫波紋緩推蓬月影深黃

花如故國黃酒憶登臨離索當佳節聞歌更不禁

姚青娥

玉駕閣遺稿小傳姚氏號青娥居士秀州人姚元瑞女歸范君和日讀漢魏以來諸集撫

晉諸家書法吟咏多散佚不傳

西湖竹枝詞

賣酒家臨煙水濱酒旗挂出樹頭春當鑪十五女遮面

一酌清泉能醉人

燕晴花暖春色饒游情欲醉魂欲消紅衣笑展綠陰畔

接袖紛紛渡小橋

陸卿子

名媛詩歸卿子姑蘇人寒山趙凡夫室也性秉冲澹不喜繁飾與趙結廬山中繡佛長齋

吟咏無間超然有遺俗之志所著有考槃元芝二集

西湖行

湖光蕩漾春光色湖上游人不相識吳歌楚舞競陽春  
越綺秦羅鬪華飾朝浮桂楫入青冥暮泛蘭橈向空碧  
碧空杳杳千萬里春風吹處開桃李春風吹不知盡處  
惟有湖光山色無窮已笑看湖上山愁對湖中隄昔日  
蘇子瞻築隄柳未齊今日隄頭柳絮飛君遊何處不還  
歸舉手攀樹樹不知回頭向人人更嗤可憐花落滿芳  
草一見一回人一老流鶯千轉自綿蠻日落湖山空浩  
浩借問青天孤月光明年再來誰更强

蘇隄分韻

十年重到六橋西衰柳風高駿馬嘶畫閣欲隨歌舞散  
荒祠已共雨雲迷舟中香冷琴聲細水上人歸日影低  
返棹西冷黃葉下燒燈檢取舊時題

黃修娟

明詩綜修娟字娟清  
仁和人參議汝亭女

登吳山絕頂

一上胥山路疑登霄漢邊江雲連越塞斗宿盡吳天潮  
帶千峯雨城含萬井煙居高堪縱目覽古思悠然

黃鴻

名媛詩緯鴻字鴻輝仁和人  
大參克謙女文學顧若羣妻  
著閨晚吟林下詞選詩名廣寒集



感懷 并序

予以多病少憇湖莊青衣相扶朱顏自媚戀春光之  
不再愴秋氣之為悲聊賦選體一章敢擬秋興之篇  
用代郊居之作

寒雨灑空館疏花媚幽砌羅帳濕芙蓉秋風深薜荔櫻  
桃二月天香氣吹蘭蕙灼灼西湖濱誰不羨佳麗含笑  
或雙萼合歡常並蒂葉葉皆婀娜枝枝自搖曳翡翠明  
月珠羅列相間綴五步揭清曠十步牽華袂一自鷓鴣  
悲始知桃李脆顏色幾時好小山託叢桂物序良足難

因之惜年歲

與洪妹三潭看月

月浸西湖潭水深龍宮倒插雙雲岑攜尊遍坐畫闌曲  
索句獨旋芳樹陰半夜幾人吹鐵笛百年何地續琴聲  
予姊妹每歲招攜此後遂絕  
似有詩讖讀之憮然妹荆記相看不道須行樂只恐霜  
華鬢腳侵

西湖竹枝詞

纔出城闌便不同儂家住  
在西湖東萋萋芳草隨隄綠  
灼灼桃花照水紅

顧若璞

香閨秀句集若璞字和知錢塘人上林署丞  
顧友白女文學黃東生婦若璞生而夙慧幼  
閑詩書東生工古文詞以病卒所遺  
二子女彬彬有文皆若璞教之也

同夫子坐浮梅檻

并序

家學憲公用竹筏施闌幕浮湖中傲古梅湖以梅為

筏故事題曰浮梅檻

榜人遙泛淥木葉亂飛黃縛竹為新檻逢漁認野航樹  
搖山影合波動月光聞說西施面梅花不倩妝

湖中

湖光渺渺冷煙微汀鷺沙鷺佇不飛卻欲抱琴輕別去

菱荷分綠上羅衣

西湖竹枝詞

春日遲遲懶下樓憶郎同泛木蘭舟深情不肯從郎道  
爭怕郎心似妾愁

新漲漣漪半綠筠憶郎理綫釣鮮鱗只因驚起鴛鴦鳥  
照水還憐薄命人

朔風吹花滿竹扉憶郎絮薄要添衣只緣宜稱無因問  
撥亂殘絲不上機

敬和家人快雪堂觀劇韻

西海志 卷四十二 十一  
六橋曙色曉風吹又探平泉一段奇虬蓋翠旌霞氣鬱  
雲衫螺髻佩聲遲當年玉局揮彤管此日梨園舞柘枝  
春草秋花相代去不堪憑弔廣川雌

修讀書船 并序

秋日爲燦兒修讀書船泊斷橋合歡樹下兩山峭蒨  
空水澄鮮斷燒留青亂煙籠翠與波上下倏有倏無  
忽焉清光爽氣結射於叢雲堆黛之中令人心曠神  
怡不復知有人閒世矣覽物興懷爲詩以紀

聞道和熊阿母賢翻來選勝斷橋邊亭亭古樹流疏月

漾漾輕鳥泛碧煙且自獨居楊子宅任他遙指米家船  
高風還憶浮梅檻短燭長吟理舊氈

楊氏

名媛詩緯楊氏錢塘人文學楊春華之女贈光祿少卿諡忠愍俞公起蛟子貢士文輝妻子珣

集其母詩文  
曰母範初錄

送遠

少壻東行控馬塵腰閒一劍衛君親敢尋西子湖邊柳  
嬌倚春風送遠人

闕玉

名媛詩緯  
玉錢塘人

感吟

西湖春色雨隄花陣陣鶯聲串柳芽我本無心植楊柳  
陰成都作夜棲鴉

張瓊如

名媛詩緯瓊如字赤玉杭州人歸陳氏善詩賦及古文工行草書

龍井

縹緲幡幢綠樹低山門斜路夕陽西古壇危磴千層嶂  
細水遙通九曲溪松際谷聲清磬合竹閒雲氣小樓迷  
禪心已與塵緣斷不礙孤猿午夜啼

吳玉暎

名媛詩緯玉暎錢塘人幼慧工書

踏青

蘇公隄畔畫橋停蹋去香風百草青自對春山看花鳥  
六橋絲管幾曾聽

黃媛貞

明末秀水人

西湖歌

韶光明媚花枝繡煖風輕扇波紋皺鶯藏柳暗絲絲茂  
紅紫齊芳如爭鬪碧水潺湲泉聲溜青山濕翠煙雲覆  
桂棹蘭漿簫笙奏星稀月朗清如晝

王微

列朝詩集字修微廣陵人七歲失父流落北里長而才情殊衆扁舟往來吳會閒所與游皆名士已而忽有警悟歸心禪說布袍竹杖游歷江楚登大別山眺黃鶴樓鸚鵡洲諸勝謁元嶽登天柱

西湖志

卷四十二 藝文十二

三

峯湖大江匡廬訪白香山草堂參憨山大師于五  
 乳歸而造生壙于武林自號草衣道人終焉之  
 志偶過吳門為俗子所黜乃歸華亭穎川居三載  
 而卒性好名山撰集名山記數百卷自為叙行世

湖上次韻答黃夫人

去住湖邊別有緣門前紅葉滿來船劉綱夫婦霞為骨  
 謝蘊家庭雪作篇翠袖風前誰薄醉黃楊樹底與參禪  
 迴思飄渺伊人跡只隔鴛鴦南浦煙

汪夫人以不繫園詩見示賦此寄之

湖上選名園何如湖上船新花搖灼灼初月載娟娟  
 啟光能直簾鈎影乍圓春隨千嶂曉夢借一溪煙虛閣

延清入低闌隱幙連何時同嘯咏暫繫淨居前

長至入雲棲

晴日寒江路松雲入望深身香燃五分行樹拔千尋  
 忍土如家舍交光映夙心還疑晏坐處猶發妙嚴音

薛素素

明詩綜素素小字潤孃嘉興人有異才著南游草

西湖晴泛

處處笙歌夜月年年花柳春風刺史經今多少風流只  
 說蘇公

周文

列朝詩集文字綺生嘉興人體貌閑雅不事鉛粉舉止言論儼如士人

遊韜光菴與沈千秋分韻作

轉徑白雲近回風清磬殘霜花欺客眼江雁怯秋翰片  
石泉聲細千峯日影寒煙深鳥不語歸路已漫漫

馬文玉

列朝詩集馬文玉名珪晉陵鄭士弘曰文玉  
幽寓吳城品似芙蓉才過柳絮弄墨則花箋

點就慣自描蘭裁詩則竹簡題殘魯無竄草尤工  
樂府停吳雲於雙聲最善絲桐挹湘水於十指扁  
舟蕩槳事宴討於湖山數  
日巾車寄冶情於花柳

春日泛湖憶舊

自昔湖山羅綺春客中剛喜及花辰開樽向午催移舫  
問水臨流惜別人踏遍荷痕還嫩碧眠餘柳色轉清新

獨憐車馬多非故歌舞依然十里塵

一隻蘭舟幾日湖同心暗結事難圖比來西子應無主  
何處羅敷自有夫沙暖燕歸春閣早醉餘人別暮橋孤  
年年只解看花到草色今朝獨弔蘇

春風隄柳碧初齊不異芳游若異蹊屨響空郎書舍裏  
淚痕漬姊墓田西琵琶舊曲難為聽壺缶新醪自在攜  
但見青驄偏入感可知日懶踏花隄

若箇釵行憶昔招曲池阡木漸蕭蕭浪翻金錦猶餘麗  
花落胭脂尚帶嬌綺席已更蓮葉舸絲繩又挂綠楊橋

相逢此後忻非晚蕩槩從君不記朝

國朝

徐燦

林下詞選燦字湘蘋茂苑人陳之遴相國夫人善屬文兼精書畫詩餘真得北宋風格絕去纖

佻之習其冠冕處即李易安亦當避席不獨為當代第一也

念奴嬌 西湖雨感 次素菴韵

兩窗閑話笑浮生何限是非今昨幾遍青山酬對好依  
舊黛眉當閣灑道輪香潤花杯滿不似前秋惡繡簾纔  
捲一樓空翠迴薄 擬泛煙中片葉但兩湖佳處任風  
吹泊山水清音聽未了隱岸玉笋金索頭上催詩枕邊

滴夢慢惜瑤池落相看不厭兩峯天際孤削

黃媛介

攜李詩繫媛介字皆令秀水文學象三之妹與姊媛貞俱擅麗才媛介尤有聲香奩閒書法鍾王人以衛夫人目之畫亦點染有致適楊元勳夫婦偕游江湖為閨塾師以終有湖上草

湖中即事

憂危不是客心非贏得湖雲上畫幃囊有千詩堪寄慨  
家徒四壁日懷歸青山斷處多紅葉黃菊開時少白衣  
近水陰晴容易變難聽風雨過窗飛

苦雨思歸仍留湖上感吟

客裏那堪雨復風鄉心若與斷雲通獨登破閣如天上

自笑愁顏落鏡中  
枝冷花寒鶯欲徙  
囊空穎禿賦難工  
最嫌春去人猶在  
留滯湖山但爲窮

湖上

西子湖頭千頃春  
風光不屬去來人  
朝嵐夕靄誰收得  
半在憑闌半釣綸

李因

名媛詩緯因字是菴號龕山女史紹興人歸海  
盜光祿卿葛公徵奇著有竹笑軒吟草葛徵奇  
序畧是菴家西子湖資性警敏耽讀書耻事鉛粉  
閒作韻語以自適余偶得其梅詩有一枝留待晚  
春開之句遂異而納之余方挾有畫癖宗雲林子  
久梅道人輒不得似是菴獨摹大小米具體而微  
所謂以煙  
雲供養也

湖上鏡閣四首

髻壓雙螺春事賒  
釣綸來往自浮家  
小橋柳色朱闌近  
檻外溪光送落花

十里湖隄面面山  
卻憐西子鏡臺閒  
幽心擬結茅菴住  
不在林閒在水閒

鳴榔喧罷泊沙灘  
燈影籠紗畫裏看  
人靜不須重照鏡  
兩山明月夜來寒

隔樓杳靄似迷津  
霜樹渾如醉後人  
斜日移櫺留晚照  
溪容山色未全勻



邵斯貞 西湖竹枝詞續集斯貞字靜嫻餘杭人陸進思繼室

西湖竹枝詞

錦帶橋邊荷芰香東鄰女兒昨催妝凌晨棹船採花去  
生怕前頭逢玉郎

未到清明土鮒肥寺前新釀白薔薇買得酒來魚正熟

月到湖心蕩槳歸

吳柏 林下詞選柏字柏舟錢塘人吳太末女陳元璧聘室

水仙子 泛湖

湖開曉鏡碧如油山列煙屏翠欲流小橋十二繞芳洲

柳中艤花外樓 錦隄金勒試驂騑風淡宕鶯花麗水

空明苻藻浮聽不盡簫管歌喉

翁桓 明詩綜桓字少君錢塘人處士胡介妻

重過西湖

風風雨雨鳥空啼草綠山腰水滿隄畫閣已傾歌舞散  
十年重到六橋西

黃德貞 林下詞選德貞字月輝嘉興人司李黃守正孫女孫曾楠室工詩賦與歸素英為詞壇主

持共輯名聞詩選行世所著有劈蓮詞

鶯啼序 西湖懷古

蘇隄柳下維畫舸憑闌遠眺歎西陵賣斷繁華兩峯螺  
黛如掃憶往日香車油壁六橋三竺青葱好更桂香荷  
豔玻璃冷浸霞曉 洪谷與酣北苑得意叫絕遊仙擢  
但滿眼芻牧樵蘇極懸崖控絕島遍亭皋桃林歇馬採  
蓮歌換關山調撫流波苕藻漣漪澱紋留照 游魚吹  
浪飛燕翔空慣聽笙歌開乘好景晴和淑媚吟賞湖光  
灑樓開妝鏡舟移芰浦南屏爽氣排林表羨逋仙笑指  
梅花老孤山鶴夢冰雪遶漸暖日嘶風驕駟齧盡芳草  
湘簾澄碧淥水柔藍裁筆啜墨妙約畧煙嵐疏樹瞻

顧從容擬拾幽蘋白雲膠擾銀飄鬢絲蟾輝映雪幸西  
家尙容憊耄趁稀齡少寄臨風傲斜陽一曲瑤琴放艇  
湖心水香月皎

張昊

張振孫槎雲傳槎雲姓張氏杭州人名昊槎雲其字也世居城西偏祖蔚然官長溪令學者

稱青林先生父義壇順治庚子孝廉卜居於毛氏園在城北郭外竹樹方池迴塘植芙蓉橘柚桑柘之屬昊樂焉性喜讀書覽典籍輒知文理且以教其二妹花晨月夕賦詩唱和然不肯示人從兄綱孫見昊一絕句其結句云殘風殘雪斷橋邊悄然歎曰是妹必以詩傳但福薄耳後果如其言年十九歸胡遵仁子大潑勸其力學從同里毛先舒為師諸匡鼎洪昇為友以文章行誼名於時卒年二十有五所著有趨庭詠

西湖閑詠

夕照西湖日影微  
數竿修竹護柴扉  
月光浸水浮珠出  
柳絮因風作雪飛

豔陽春暖草萋萋  
水自東流鳥自啼  
三月楊花飛不盡  
東風一夜滿湖隄

何處佳人貌出羣  
海棠嬌映石榴裙  
幾迴羞向傍人問  
那個山頭是岳墳

金風颯颯湧江濤  
寒到江城添舊袍  
寄語吳山楓柏樹  
安排秋色待登高

西湖竹枝詞

梅雨初晴出遠山  
淡煙如畫水長閒  
蘭舟昨日橫塘去  
載得春光獨自還

張昂

承啟堂集昂字玉霄孝廉壇次女適錢塘處士洪文蔚張綱係承啟堂詩集序從父步青先生以名孝廉聲滿海內諸子皆弱而才即女弟輩亦能讀父書閨中鍼黹之餘學為吟咏仲妹玉霄詩才尤清拔其老成高脫處不減前人風格豈非遵河溯源必有所自乎是集倘不終秘亦可竊比孝綽之於令爛矣

喜賦二絕

萬國山川明聖湖  
風花雲物遍交衢  
風來雜樹迎絃管

西湖志 卷四十一  
花拂霓旌儼畫圖

鳳城春色照西湖

六御南巡喜滿衢瑞靄千層臨紫極和風百轉繞皇圖

徐昭華

西河合集昭華字昭華始寧人其尊公仲山君大父則大司馬亮生公也若其母太君則為商太傅女昭華婿諸暨駱生加采善文陳維崧序云問其桑梓于春西子之鄉詢彼絲蘿四傑駱丞之婿

遊靈隱寺參具德尊者塔院

十年曾憶舊龍宮為侍慈親到此中  
蒼藓香飛千里月芙蓉漏滴五更風  
煙籠古樹迴青雀水滿前池散毒龍

桂子已從明月落蓮花還向繡幢紅  
迎將車馬仙壇合到處笙歌梵唄通  
午霧未開迷寶筏暮潮初上動金鐘  
飛來靈鷲依然在何處禪關覓遠公

陸眷西

眷西字初月武林人

憶西湖

記得西湖六月天藕花如錦斷橋邊  
至今夢裡猶來往聽得錢塘喚渡船

吳山

山字巖子太平人居湖上三年武林名流多所推重

集不繫園

兩峯不出雲十里春陰譜水上快鳥鷗簾前怨鸚鵡花  
寒不放香月瘦未見補莫謂近山晴遠煙還是雨

卞珏

珏字元文太平人吳巖子  
之女落筆疏秀有其母風

湖上和吳駿公韻

小閣平崖石徑斜曉雲宵月自清嘉薜蘿蔭處禽爲窟  
菡萏香中鯉作家雪咏幾翻慙柳絮春題多爲贈梅花  
龍門久識知難遇蓬華何當司隸車

夏惠姑

惠姑字昭  
南華亭人

蘇隄春色

暖風晴日冶遊天柳外長隄引馬前掩映珠鞭花外見  
參差錦帶樹中還天桃夾岸生紅浪碧草連雲起紫煙  
忽憶髯翁吟笑日水光山色盡詩牋

吳湘

湘字若耶江都人嫁高士范生居  
湖上善鼓琴作畫爲士林鑒賞

湖居卽事

不解嫺刀尺隨時好畫山茆簷香篆字湖面翠生斑靜  
亦人中福勞因詠未閑古人悲莫見琴意好追攀

丁瑜

瑜字靜嫺  
長興人

西湖秋感

西泠志 卷四十一  
憶別西泠悵遠游疏煙淡月夢中留一聲斷雁雲中落  
數點輕鷗水上浮撥草漫尋蘇小墓挑燈重賦水明樓  
東風轉眼年年恨此日山光已破秋

陳皖永

皖永字倫光海寧人兵部侍郎楊雍建子婦  
康熙戊午科副榜楊慎言妻著有素賞樓稿

若干  
卷

夏日遊蓮池尼菴

齊心過蘭若參默致精虔聞布黃金地來皈白法筵道  
心安止水霽色淨諸天得侍維摩室時聆上乘禪

寶刹安蓮座清幽闢境初蕭疏在花木恬淡到禽魚聚

遠層樓敞通幽曲徑紆朝暉照西榭彼岸一舟虛

殘暑猶思避凌晨出郭行衰扶藤杖瘦穩坐筍輿輕莞

爾瞻旛影冷然聞磬聲松壇緇素繞輟講下階迎

千秋不剪拜祇樹蔽甘棠桂老幽巖古松高深殿涼遠

峯青入牖斜月淡侵廊荷渚清無暑微風暗遞香

勞我伊人思來尋水一方偶同雲出岫閒伴鶴登堂勝

賞遲秋月清言送夕陽忘歸更延佇信宿散花房

竟日開簾坐悠然對遠峯茶煙颺風細香篆結雲濃閒

置忘言拂疏傳出定鐘風幡任自轉根鈍欲參慵

楊慧林

名媛詩緯慧林字雲友杭州人

冬日登隨喜菴因寫斷橋小景志喜

經年不復見湖山重到西泠載月還風日何如今日好  
天應爲我也開顏

柳是

觚臆如是名是柳其寓姓性猥慧賦詩輒工尤長近體七言作書得虞褚法年二十餘歸虞山蒙叟錢宗伯而河東君始著續詩兼如是本姓楊柳蓋其託姓也如是豪宕不羈晚年殉宗伯以故士林稱其晚節云

西泠

年年紅淚染清溪春水東風折柳齊明月乍移新水冷

唬痕只在子規西

愁看屬玉弄花磯紫燕翻翻濕翠衣寂寞春風香不起  
殘紅應化雨絲飛

西湖

垂楊小苑繡簾東鶯閣殘枝蝶趁風最是西泠寒食路  
桃花得氣美人中

楊琇

西湖竹枝詞續集琇字倩玉錢塘人歸沈適聲

西湖竹枝詞

斷橋西去竹閒廬不道山孤人亦孤嶺上梅花知妾是

水中萍葉似郎無

毛媿

見舊浙江通志藝文

西湖

十錦長塘十里開遙看春草綠于苔金鞍狹路爭馳驟  
畫舫晴波自溯洄日映柳梢鶯百轉風吹花氣蝶雙來  
西湖西子曾相喚擬酌芳魂酒一杯

王端淑

見舊浙江通志藝文

吳山新綠

乘曉看山色春風拂檻西近隨青障合遠與白雲齊百

舌聲初度千崑翠欲迷望來處處碧掩映落花谿



西湖志  
卷四十二  
三

西湖志卷之四十二

總校董紹舒分校

陳昌壽校

